

Թիբ և Ասորիք ա՞ղբ են ձեզ, թէ ոչ . նոքա ասեն, ոչ . Դատաւորք ասեն, եթէ ոչ են ձեզ աղբ, ընդէ՞ր պնդէ՞ք թէ մեզ հետեւողք են (եամազ) : Յոյնք ետուն պատասխանի . վատն այնորիկ՝ յորժամ տկարացցին և պակասեցին յերուսաղէմէ, տեղիք և ստացուածք նոցին մեզ մնացեն : Հայք ասեն . երեք ազգքն այնոքիկ 'ի վաղ ժամանակաց անտի հետեւողք են մեզ, եւ 'ի հրովարտակս մեր գրեալ է կրօնակից և համազգային :

Տեսեալ Դատաւորաց թէ երկարի վէճն 'ի վերայ այսր խնդրոյ, ասեն . մնացէ այժմ քննութիւնն հետեւակաց, զի նոքա չեն 'ի միջի և դուք հակառակ միմեանց վիճէք, պարտ է հարցանել ցնոյն իսկ հետեւակսն : Թէպէտեւ ունէին Հոցք վասն այսր Իլամ 'ի Դատաւորէն երուսաղէմի, այլ ոչ ինչ զօրեաց այն : Հայք ասեն, յառաջին դատին որ 'ի Գուռն Փաշայի, խոստացան մեզ Դատաւորք 'ի հասանել հրովարտակացն մերոց որոշել զհետեւակս մեր, այժմ տեսանեմք յայլ եղանակ չըջեալ բանին : Ժխտեաց Թահիր Էֆէնտի, որ գլուխ եկաց ընդ Էմին Պէկին 'ի դատաստանին յայնմիկ, և ասէ մեք ոչ ասացաք զայդ . Էմին Պէկն գուրզ մեռեալ, 'ի սմանէ խնդրէին Հայք զհաստատութիւն բանին, այլ նա պնդէր թէ չիք մեր արարեալ զայդպիսի խոստմունս : Հայք ասեն . են ոմանք յերեւելեաց անտի տակաւին կենդանի, որք էին 'ի ժողովի անդ : Եռսուֆ Ակիահ և Ազիզ Էֆէնտիք և այլք, կոչեցէք զնոսա և վերտին տեղեկացէք 'ի նոցանէ : Հանին արտաքս զՀայս և զՅոյնս, և կոչեցին զարսն զայնոսիկ, որոց եկեալ ասացին թէ յայնժամ խոստացաւ Ատեանն Հայոց 'ի հասանել հրովարտակացն առնել զամենայն ինչ ըստ մտաց նոցին : Փակեցաւ Ատեանն :

Եւ յետ երկուց աւուրց գրեցին Ատենակալք զվէճս երկուց ազգաց, և արարեալ զայն Իլամ մատուցին առ Արքայ, և մնաց առ նա 'ի ներքս 'ի պալատն իբր ամիս մի :

Նիստ Չորրորդ, ('ի 19 Մայիսի) :

Ել Իլամն արտաքս 'ի պալատէն հրովարտակաւ Արքային, և առաքեցաւ 'ի գուռն մեծի դենպետին . ազգ ա-